



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 01-04-16407-1/21
Sarajevo, 5.5.2021. godine

SKUPŠTINA KANTONA SARAJEVO
Predsjedavajući Skupštine Kantona Sarajevo

Predmet: Odgovor na zastupničko pitanje zastupnika Hameda Aljovića

Zastupnik Hamed Aljović na 34. radnoj sjednici Skupštine Kantona Sarajevo, održanoj dana 07.04.2021. godine, u okviru tačke dnevnog reda „Poslanička/zastupnička pitanja, inicijative i odgovori“, a u skladu sa članovima 211 i 214. Poslovnika Skupštine Kantona Sarajevo postavio je sljedeće **zastupničko pitanje**:

“Molim Ministarstvo privrede KS, da mi odgovori na pitanje:

U cilju potpune i pravilne primjene pozitivnih zakonskih propisa koji regulišu namjensko trošenje prihoda sa posebnim osvrtom na raspolaganje namjenskih prihoda u skladu sa Zakonom o šumama Kantona Sarajevo postavljam sljedeće pitanje: Na koji način je utrošen namjenski prihod ostvaren iz naknade za ekspropisano šumsko zemljište, naknade za krčenje šume i naknade na ime troškova podizanja i održavanja novih šuma na području općine Trnovo? Na kojem lokalitetu u općini Trnovo je izvršeno podizanje novih šuma ili kupovina šume?”

Odgovor:

Prihod ostvaren iz naknade za ekspropisano šumsko zemljište je prihod KJP "Sarajevo-šume"d.o.o. Sarajevo te Vas shodno tome upućujemo da informaciju o utrošku predmetnih sredstava zatražite od KJP "Sarajevo-šume"d.o.o. Sarajevo.

Naknada za krčenje šume odnosno promjenu namjene šumskog zemljišta u skladu sa članom 52. stav (8) i (10) Zakona o šumama Kantona Sarajevo („Službene novine KS” broj: 05/13) uplaćuje se na depozitni račun za prikupljanje javnih prihoda Budžeta Kantona Sarajevo. U periodu 2015. - 2020. godine izvršena je uplata po ovom osnovu za predmete na području općine Trnovo u iznosu od 114.526,91 KM.

U istom periodu iz namjenskih sredstava iz Budžeta Kantona Sarajevo je izvršeno finansiranje projekata pošumljavanja na površini od 22,01 ha u vrijednosti 96.998,06 KM. Ukupno je zasađeno 64.630 komada sadnica smrče, bijelog bora i lišćara. Projektima popunjavanja kultura (mladih



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



nasada) pošumljeno je 76,23 ha u vrijednosti od 140.507,06 KM, te zasađeno 153.732 komada sadnica smrče, bijelog bora i crnog bora. Projektima njege kultura (čišćenje, popunjavanje i okopavanje) zasađeno je 92.031 komada sadnica smrče i bijelog bora. Vrijednost realizovanih projekata čišćenja, popunjavanja i okopavanja kultura iznosila je 178.339,23 KM.


Ukupna vrijednost realizovanih projekata iznosi 415.844,35 KM.

Navedeni radovi su realizovani u objektima rada u okviru gospodarskih jedinica: "Crna Rijeka-Željeznica", "Gornja Rakitnica i "Hojta Presjenica".

S poštovanjem,

Dostavljeno:

1. Naslovu,
- ② Vladi Kantona Sajevo-na znanje,
3. Evidenciji,
4. Arhivi.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

